



Kua Mātūtū te Tūranga o te au Tu'anga 'Anga'anga Kavamani

'Akako'u'anga - Overview

Ko te 'akakoro'anga i tēia porokarāmu koia oki ko te 'ākara'anga i te rāvenga kaveinga no te 'akaketaketa e te 'akameitaki i te rave'anga 'anga'anga, te au 'akapapa'anga o te Tu'anga 'anga'anga Kavamani na roto i te 'anga'anga kāpiti'anga ki rotopū i te au 'ātava-tumu o te Kavamani kia rauka i te 'akatupu i te 'inangaro o te aronga 'oko'oko e te aronga 'anga'anga kia tau te tūtaki.

Te kimi nei te Kavamani i tēta'i au ta'unga kite karape no te 'ākara meitaki i te 'akano'o'anga o te kavamani i te kimi'anga i te au ngā'i 'ē tūkatikati ra e pērā te au tu'anga 'anga'anga 'āiteite e te rāvenga 'anga'anga kia rauka i te 'anga i tēta'i 'ākara'anga meitaki atu mate 'akamātūtū atu i te au tu'anga 'anga'anga. Ko tēta'i au pū'apinga takakē atu mei te 'akapou'anga māmā na roto i te 'akano'o'anga meitaki atu, noātu rā te reira kāre e ko tēia te kaveinga tumu 'ō tēia 'ākarakara 'aka'ou'anga.

Ko te tūtaki'anga o tēia porokarāmu mei roto mai te reira i te au pātana tūtaki o te Kūki 'Airani noātu ra te reira kua 'ātui'ia tēia 'anga'anga ki roto i te Aranui 'akamātūtū i te Kimi Pū'apinga (ERR).

Te Ata - Context

Kāre te 'akatere'anga a te Kavamani Kūki 'Airani i tau'i ma'ata ana mei te tau'i'anga manakokore'ia i te mataiti 1995, kua tupu mārie te tu'anga 'anga'anga e te rāvenga 'anga'anga tei 'akatupu i te au tu'anga 'anga'anga tūkētūkē ki roto tikai i te au Tipātmani o te Kavamani('ātava-tumu)

Ko te au 'akapapa'anga o te Tango 'Akatero o te Kavamani kua 'akaari'ia te reira i roto i te pi'a 'akaari numero 1.

Ko te Paepae Ropi'anga tei raro ake te reira i te 'akatere'anga a te Kavamani(tei matauia e ko te Kōpapa 'akatika) e i te au Māraurau 'ē rīpōti ra ki te Kūmitiona o te Paepae Ropi'anga e te Minita, ko e au 'ātava-tumu tei 'akamana'ia ka rīpōti rātou ki tēta'i 'āponga e ki te Minita. Ko te au Kavamani Enea e 10 ka rīpōti rātou ki te au Mata o te Kavamani, te au Konitara e te Tama 'Akatero o te Koutu Mana Tutara o te Bāsileia.

Ko te tu'anga ropi'anga ora'anga te to'u nei te reira ki te au 'Ātava-tumu o te Korōna te ka rīpōti tika ki te Pāramani, te 'Ōpati tauturu o te Minita e te 'Are Ariki. Tei roto i te tu'anga ropi'anga



ora'anga te au ngā'i 'anga'anga tukēkē tei 'akaterē'ia e te kavamani na roto i te Mato Vairanga Mou o te Kūki 'Airani.

Table 1 – Te au tu'anga i roto i te Tango Akatere o te Kavamani - Agencies in the Machinery of Government

Agency Group	Level of Government Inclusion	Public Service	State Services	Public Sector	MoG
Government Ministries	Public Service	14		14	14
Statutory Agencies	Public Service	10		10	10
Island Governments	Public Service	10		10	10
Crown Agencies	State Services		7	7	7
Parliament & House of Ariki	State Services		1	1	1
Ministerial Support Offices	State Services		6	6	6
State Owned Enterprises	State Services		5	5	5
Island Councils	Machinery of Government				10
Totals		34	19	53	63

E mea pū'apinga ma'ata no te kavamani kia 'ākara ki te au tau'anga anoano o te matakeinanga, e me 'apai'ia mai tēta'i kōpapa mā'ani ture 'ōu, te kaveinga tumu me kāre te au rāvenga 'anga'anga e tupu ana te tūkatikati'anga ki roto i te 'akatua'anga'anga i te au 'anga'angaa i rotopū i te au 'ātava-tumu tūkētūkē te ka 'akatupu i te tūkai i roto i te 'ōronga'anga ropi'anga ora'anga ki te 'iti tangata.

Ko te 'akano'o'anga tūkai i roto i te kavamani ka 'akatupu te reira i tēta'i au tuku'angā tika taukore tā kā riro ei 'apainga teima'a i te ta'anga'anga e te 'akatano i tēta'i au ropi'anga ora'anga tūkēkē. Ka riro tēia i te 'arapaki i te tu'anga kimi pū'apinga nā roto i te tupu'anga mārie me kāre te 'akaneke'anga o tēta'i au tika'anga 'ōu ki tēta'i au tuku'angā tika takakē te ka māmā ua i te 'akatano.

E mea tau kia 'ākara putuputu'ia te 'akano'o'anga o te Kavamani kia rauka i te 'akapāpū e ko tēia au 'akapapa'anga tūkai kia 'akaiti'ia e kia rauka i te Kavamani i te tauturu i tōna au mangamanga 'akapū'apinga, e pērā te au pītiniti kāre i raro ake i te kavamani.

Te Angaanga - Project

Ko te 'akakoro'anga ma'ata o teia 'anga'anga koia ko te 'akamātūtū i te tūranga e te meitaki o te tauturu te ka 'ōronga'ia ki te Ropi'anga Iti-tangata na roto i te:

1. 'Ākara 'aka'ōu'anga ki roto i te Tūranga o te Ropi'anga Iti-Tangata te ka 'akaterē'ia e tēta'i Ta'unga Kite-pakari no va'o mai.
2. E parāni tiēni'anga i te 'akaterē'anga tei tātuātau'ia – akamanako'anga i tēta'i kura 'akakou i te au tu'anga rikiriki i roto i te Kavamani, 'akatanotano'anga e te au taka'i'anga o te ropi'anga 'iti tangata kia rauka i te 'akatano i te au 'akaterē'anga e te au taka'inga kia tau ki te tau'anga o te ao kimi pū'apinga e kia au katoa ki te Ara 'akapapa'anga Nui, e Te Rāvenga Akapū'apinga i te Tu'anga Kimi Pū'apinga e te EER

Ka rave te Tūranga o te Ropi'anga i te iti tangata i tēia:

- a) "Akataka i te 'akano'ono'o'anga a te 'ōrau: 'ākara matatio i te kura kōpapa mā'ani ture mei te ture iti o te 'akaterē'anga i te tu'anga 'anga'anga o te au Māraurau tūkēkē kia rauka i te 'ākara i to rātou 'ātuitui'anga, 'ē mē kua tau rātou ki te 'akakoro'anga.

- b) 'Akataka i te tū o te putuputu'anga e te 'akano'o'anga: 'ākara matatio i te 'akano'o'anga pātū e te takoto, no te 'akapāpūanga e me te turu nei tēia i te au rāvenga 'anga'anga e te tika'anga 'anga'anga i te au 'ati'anga ravarāi.
- c) 'Akataka i te au tu'anga 'anga'anga tei 'ōronga'ia: 'ākara matatio i te au tu'anga 'anga'anga tūkētūkē no te 'akapāpū i to rātou 'ātui'anga. Pēnei ka piri mai te 'iki'anga i te 'anga'anga tātākita'i ta te au Māaurau e rave ana e tōna 'ātui'anga ki ta rātou au 'akaue'anga.
- d) 'Ākara matatio i te ma'ata o te tu'anga no te ruru'anga i te au tauturu e tīkotikoti ra, mei te 'akaterē'anga i te aronga 'anga'anga, ko'i'anga, 'akaputu'anga e te tuku'anga kārere uira e te 'aka'aere'anga kia rauka i te 'iti tangata Kūki 'Airani i te 'akaoti i tā rātou tukuanga kārere uira ki te Kavamani.
- e) 'Ākara matatioanga 'ē mē kua tau rai te Tu'anga 'anga'anga Tātākita'i ki raro ake i te Kavamani kia kāpitiia ki te nga'i 'okota'i kia rauka i te rōtai mai i te au tauturu 'ē tīkotikoti ra, mei te 'akaroa'anga i te 'akapapa'anga tūtaki'anga moni a te Kavamani no te tamaru i te SOE. Kia tamanako'ia mai tēta'i Ropi'anga Ipukarea mei ta Aotero'a rai i te 'ātui'anga mai i te SOE ei tūranga ma'ata no tēia tāmānako'anga.
- f) Kaveing Tau no te 'akaterē'anga Ropi'anga Ipukārea mā'ora'ora.

Ko te parāni tiēni'anga i te 'akaterē'anga tei tātuātau'ia, mate 'ākara katoa i te tūkaui ki roto i te tūranga o te moni, ka te'ate'amamao te reira au tāmānako'anga i te ta'anga'anga i te parāni no te tupu'anga tau ua me kāre 'akakake'anga i te au tāmānako'anga te ka 'iki'ia mai e te tu'anga Akara 'aka'ou'anga i te Rāvenga 'anga'anga no te Ropi'anga iti tangata.

'Ātuitui'anga - Engagement

Ka akaterēia tēia tu'anga 'anga'anga e te Paepae ropi'anga o te Kavamani e pērā te tauturu a te Tango 'akaterē'anga moni o te Ipukārea. Ka riro e na te Pupu 'Akaterē e tamarumarū i tēia 'ākara 'aka'ou'anga e ko tēia te au 'Akaterē o te au 'ātava-tumu to roto i tēia pupu, Kūmitiona o te Tango Ropi'anga, Tēkereterē o te moni, Tiānara 'Akavā-nui e te 'Akaterē 'anga'anga.

Kāre e 'ātuitui'anga manako ki te iti tangata, inara te 'ākara'ia atu nei tēta'i 'uri'uri'anga ki te au putuputu'anga kāre i raro ake i te Kavamani(NGO) e nā te tama 'akaterē e tāmānako mai e mē oti mai, ka akakitēia atu rai ki te katoatoa.

Te Akapou'anga - Estimated Cost

Ko te moni tauturu no vao mai i tēia porokarāmu te 'uri'uri'ia nei rai te reira. Ko tēta'i au 'akapou'anga ke atu tei 'ātui ki te au tāmānako'anga nō ko mai i te Tu'anga Akara akaou ka akakite iatu rai te reira.

For further information contact

Economic Planning Division

Ministry of Finance and Economic Management

PO Box 120, Avarua, Rarotonga, Cook Islands

Telephone: +682 29511 ext. 7208

Email: mfem.economics@cookislands.gov.ck

Website: www.mfem.gov.ck

Disclaimer

While all care has been taken to ensure that information contained in this publication is true and correct at the time of publication, changes in circumstances after the time of publication may impact on the accuracy of the information. The Government of the Cook Islands gives no warranty of assurance and makes no representation as to the accuracy of any information or advice contained in this publication, or that it is suitable for your intended use. You should not rely upon information in this publication for the purpose of making any serious, business or investment decisions without obtaining independent and/or professional advice in relation to your particular situation. The Government of the Cook Islands disclaims any liability or responsibility or duty of care towards any persons for loss or damage caused by any use of reliance on the information contained in this publication.